

Na temelju člana 47. Zakona o premjeru i katastru zemljišta („Službeni list SR BiH, broj: 14/78, 12/87 i 26/90“, "Službeni list RBiH" broj 4/93 i 13/94, "Službene novine Federacije BiH", broj 61/22) i člana 44. stav 3. Uredbe o izlaganju na javni uvid podataka premjera i katastarskog klasiranja zemljišta (Službene novine FBiH" broj: 92/16), **Komisija za izlaganje na javni uvid podataka premjera i katastarskog klasiranja zemljišta za katastarsku općinu Hrasnica, imenovana rješenjem Općinskog vijeća Ilidža broj: 01-02-3017/24-21 od 23.05.2024.godine i zaključkom Općinskog vijeća Ilidža broj 01-02-5429/24-8 od 26.07.2024. godine objavljuje sljedeći:**

## **OGLAS**

### **O IZLAGANJU NA JAVNI UVID PODATAKA PREMJERA I KATASTARSKOG KLASIRANJA ZEMLJIŠTA ZA KATASTARSKU OPĆINU HRASNICA**

**U mjestu Hrasnica, u prostorijama mjesne zajednice Hrasnica 1 (ulica Trg branilaca Hrasnice bb), sa početkom 31.10.2024. godine početak će se postupak izlaganja na javni uvid podataka premjera i katastarskog klasiranja zemljišta za sve nekretnine (zemljište, zgrade, stanovi i poslovne prostorije kao posebni dijelovi zgrade i drugi građevinski objekti) koje se nalaze u katastarskoj općini Hrasnica.**

Komisija će svakom pravnom i fizičkom licu, za koje su prikupljeni podaci i adrese, a za čije se nekretnine vrši izlaganje, uputiti poseban poziv najkasnije osam (8) dana prije izlaganja podataka, da u naznačeno vrijeme dođe u radne prostorije Komisije i da donesu sve isprave koje služe kao dokaz o pravima na nekretninama.

Obavještavaju se sva lica koja polažu pravo ili imaju pravnog interesa na nekretninama u katastarskoj općini Hrasnica da su dužna da u određeno vrijeme dođu u radne prostorije Komisije i daju potrebne podatke o nekretninama.

Lica za koja nisu prikupljeni lični podaci i adrese te nisu pozvana, a polažu pravo ili imaju pravnog interesa na nekretninama u katastarskoj općini Hrasnica dužna su da se sama jave Komisiji i da sa sobom ponesu sve pismene isprave koje služe za dokazivanje njihovih pravnih interesa na nekretninama.

Građani treba da ponesu ličnu kartu, a predstavnici pravnih lica ovlaštenje za zastupanje pravnog lica kao i ID broj pravnog lica. Za maloljetna lica potrebno je dostaviti Izvod iz Matične knjige rođenih.

**Izlaganje na javni uvid podataka premjera i katastarskog klasiranja obavljat će se svakim radnim danom od 9.00 do 15.00 sati u radnim prostorijama Komisije, koje se nalaze u prostorijama mjesne zajednice Hrasnica 1, u ulici Trg branilaca Hrasnice bb.**

Ilidža, 15.10.2024. godine



Predsjednik Komisija  
Nejra Huseinbegović Špago